

Mike Eman riba Dia di Betico

Historia ta di nos tur

Un Prome Minister, Mike Eman, sin ningun papel pre-para p'e, a hiba un discurso riba Plaza Libertador Betico Croes, cu sigur a hala masha atencion y te awe ta masha comenta. El a cuminsa na haci un apelacion di nos mester ta gradicido pa tur loke nos lidernan politico a haci pa Aruba. "Mi mes ta para aki pa di 3 biaha y tur biaha mi a purba di pone un fin n'e discusionnan encuanto cua lider a logra mas pa loke Aruba ta awe. Siendo tur lider, a haci nan parti, cada uno a sa di uni e pueblo aki pa logra nan

meta. Y esaki mi tambe ta desea di mira y pone un paro n'e discusionnan inecesario aki" Prome Minister Mike Eman a hiba su tradicional discurso pa conmemora fecha nataliso di Betico Croes, reconociendo e papel cu Betico Croes a hunga pa logra nos Status Aparte. Presente riba Plaza Betico Croes n'e ocasion aki tabata yiunan di difunto Betico Croes, mescos tambe varios otro miembro di famia. "Pero tambe tabatin otro nan cu a hiba e lucha pa logra loke cu Betico Croes a logra, manera

mi tata y mi abuelo. Nan tur a pone nan banda cu masha enfasis pa logra e cambio estatal tan anhela. Ta Betico Croes a tuma e lucha aki over di nan y a sa di logra realisa anhelo di e pueblo aki, esta Status Aparte" Cada un di e lidernan aki a haci nan esfuerzo y hasta a sacrifica nan bida.

Mike Eman mes a ripiti cu nan famia mester a tuma despedida masha tempran di nan tata, Shon A Eman, y ta su mama mester a lucha pa lanta un famia di 8 hoben. Mescos tambe Betico Croes a ser ranca

for di e mundo aki masha tempran for di su famia y pueblo aki.

Como yiunan di e lidernan aki, awe nan sa cuanto e lidernan aki mester a sacrifica y awe cada uno sa esaki. "Ta di lamenta cu cada bes atrobe, na ocasion di conmemora cada un di e lidernan aki, politica ta haci cu nan memoria, siendo cu nos tur mester sa di reconoce nan



pa cu loke nan a haci p'e pais aki. Nos mester laga nan sos-ega nan paz y ehecuta loke cu cada uno lo desea, kier union di e pueblo aki." Finalmente Prome Minister Mike Eman a haci un apelacion na tur hende, pa reconoce historia di cada un di e lidernan aki. Laga nos hunto brasa e historianan aki, cu ningun hende por cambia tog. Mi kier gradici famia di

Betico Croes presente, di a sa di produci un estadista y ta responsabilidad di cada uno di nos pa keda record'e como tal. Tambe lo a desea di mira e pueblo aki uni, manera tur otro lidernan grandi. Laga nos haci esaki na su memoria y hunto recorda esnan cu a haci historia di Aruba", tabata palabranan di Prome Minister Mike Eman.